



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

CVIII. Der päpstliche Legat Johann fordert auf päpstliches Geheiß von dem Clerus der Brandenburger Diöcese 150 Mark, am 25. September 1286.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

CVII. Otto der Aeltere und Otto der Jüngere, Markgrafen von Brandenburg, schenken dem Domcapitel das Dorf Langerwisch, am 19. März 1285.

— Nos Otto et Otto junior, dei gratia Brandenburgenses marchiones, — de consensu heredum nostrorum, ad cultum dominicum ampliandum et ad instantiam nobilis viri, domini Walteri de Barbi, ecclesie sancti Petri in clauistro Brandenburg ad usum prepositi et capituli ejusdem ecclesie proprietatem ville novi Langerwisch juxta oppidum Beliz, quam villam feodi nomine dictus nobilis dominus Walterus de Barbi hactenus a nobis possedit, damus libere et donamus cum suis terminis omnibus, distinctionibus, pacta, censu, advocatia, judicio quolibet et cum omni dominio, quod habuimus vel in posterum habere potuerimus, cum silvis et pascuis, pratis et aquarum decursibus, lingnis, mericis, piscationibus, palludibus, terris cultis pariter et incultis, viis, compitis, nemoribus et arbuftis et generaliter cum omni utilitate, proventu, usu, usufructu, melioratione et cum omni possessione propria vel communi perpetuis temporibus possidendam. Profitemur nichilominus per presentes, quod predicta ecclesia Brandenburgensis, scilicet prepositus et capitulum, feudum dicte ville Langerwisch a predicto nobili domino Waltero de Barbi pro certa pecunie summa emit et quodlibet frustum, quod provenit de eadem villa, pro octo marcis Brandenburgensis argenti emendo ab eodem Waltero comparavit percipiendum perpetue pleno jure, computatis pro fructo choro siliginis, choro ordei, talento denariorum et duobus choris avene. Ut autem predicta nostra donatio a nostris heredibus rata semper habeatur et ut predicte ecclesie et capitulo ab omni molestia et iniqua infestatione plenius caveatur, que circa dictorum bonorum et ville predicte possessionem posset exoriri a nobis vel a nostris heredibus seu subditis in futurum, omne jus, quod in eadem villa et in ipsius ville terminis nos vel nostri advocati de causa justa vel injusta, magna vel parva exercere potuerimus usque modo, predicte ecclesie et capitulo conferimus et libere relaxamus. In hujus rei evidens et lucens testimonium presens scriptum confici ac sigillorum nostrorum appensionibus justissimè roborari, presentibus testibus infra scriptis: domino Ghevehardo episcopo Brandenburgensi, domino Waltero de Barbi, domino Bartoldo preposito in Saltwedele, domino Hermanno de Carpezow, Heidenrico preposito Brandenburgensi, Petro priore ibidem, Johanne de Monkeberge, Reinekino de Tremene, Wilhelmo Scriptoro, Heinricho magno, Baldekino de Brugis civibus Brandenburgensibus, et aliis quam pluribus fide dignis. Datum Brandenburg, anno domini M^o. CC^o. LXXXV^o. XIII^o. Kal. Aprilis.

Nach dem Originale.

CVIII. Der päpstliche Legat Johann fordert auf päpstliches Geheiß von dem Clerus der Brandenburger Diöcese 150 Mark, am 25. September 1286.

Johannes, miseratione divina episcopus Tusculanus, apostolice sedis legatus, venerabili in Christo patri, dei gratia episcopo Brandenburgensi, salutem et sinceram in domino caritatem. Sanctissimus pater, dominus Honorius papa III^{us} nos ad partes Almanie commisso nobis tam in illis, quam in Boemie, Dacie ac Suecie regnis nec non Polonie, Pomeranie, Prusie, Livonie, Cassubie ac Ruffie ducatus plene legationis officio destinavit, ac nobis recipiendi tam in absentia

quam in presentia procuraciones a venerabilibus in Christo patribus, patriarchis, archiepiscopis et episcopis et a dilectis nobis in Christo clericis, abbatibus, prioribus, decanis, archidiaconis, prepositis, archipresbiteris et aliis ecclesiarum prelati ac ecclesiasticis personis, secularibus et religiosis, capitulis et conventibus, exemptis et non exemptis, Cisterciensis, Cluniacensis, Premonstratensis, Camaldulensis, vallis umbrose, sancti Benedicti et Augustini et aliorum ordinum nec non a magistris et preceptoribus domorum militie templi et hospitalis sancti Johannis Jerosolymitani, sancte Marie Theotonicorum et Calatrauensium partium predictarum et contradictores ipsius domini pape auctoritate per nos vel per alium aut alios, appellatione postposita, compescendi, concessit plenam per suas litteras facultatem. Cum igitur auctoritate concessionis hujusmodi vobis et decano et capitulo ecclesie vestre et clero civitatis et diocesis Brandeburgensis exemptis et non exemptis pro nostris procuracionibus presentis anni centum quinquaginta marchas boni et puri argenti ad pondus Colonienſe duxerimus imponendas, paternitatem vestram monemus, vobis tam predicta, quam ea qua fungimur, auctoritate precipiendo mandantes, quatenus predictas centum quinquaginta marchas infra unius mensis spacium a presentatione presentium, quem vobis pro primo, secundo et tertio termino peremptorio assignamus, vestro, decani, capituli ac cleri predictorum nomine per nostrum specialem nuntium nostro periculo deferendas nobis transmittere procuretes ac camere nostre assignari, ubicunque fuerimus, integraliter faciatis. Alioquin vos ex nunc, prout extunc ab ingressu ecclesie suspendimus in hijs scriptis, et si forsitan hujusmodi suspensionem per decem dies animo, sustinueritis indurato, extunc a pontificali officio suspendimus in hijs scriptis. Quod si per alios decem dies hujusmodi suspensionem duxeritis tolerandam, nos exnunc, prout extunc, in scriptis eisdem excommunicationis vinculo innodamus. Ceterum quia nolumus, quod vos ex solutione dictarum centum quinquaginta marcharum, quam nobis feceritis, dampnum vel gravamen aliquod incurratis, et quod in illarum contributione aliqui ultra vires et debitum aggraventur, presentium vobis auctoritate committimus, ut deum habentes pre oculis predictas centum quinquaginta marchas a decano et capitulo ac clero prefatis a singulis videlicet exemptis et non exemptis, consideratis eorum facultatibus diligenter, pro rata suorum proventuum cum justis et moderatis expensis, quas vos propter hoc subire contigerit, petere ac recipere, contradictores quoque ac rebelles, si qui fuerint, per censuram ecclesiasticam, appellatione postposita, compescere valeatis, ita tamen, quod vos pro rata vestrorum proventuum contribuatis etiam cum eisdem. Nos autem vos, si amplius quam centum quinquaginta marchas et expensas predictas exegeritis vel receperitis et pro parte vos contingente non contribueritis, penas et sententias incurrere decrevimus supradictas. Has siquidem litteras in registro nostre curie ad cautelam fecimus registrari, de quarum presentatione lateri presentium, nuntio nostro jurato, dabimus plenam fidem. Datum Basilee, VII. Kal. Octobr., pontificatus domini Honorii pape nostri anno secundo.

Nach dem Originale.

CIX. Der Propst Heidenreich in Brandenburg erlaubt, daß der Pfarrer in Neuendorf mit seinen Söhnen gewisse jährliche Einkünfte in Schmerzke kaufen darf, im Jahre 1286.

— Heidenricus, dei gratia prepositus ac communis conventus Brandeburgensis ecclesie — notum esse volumus tam presentibus quam futuris, quod Jacobus, filius Heinrici Crudonis, quedam bona in villa Smerzich, videlicet V. choros partim siliginis et partim ordei,